

Urbes.

Lacus.

Flumina.

Silva.

Poltridie etiam Dux Curlandiæ, summus Regiæ Majestatis Locum-tenens & Gubernator Livoniæ in curia Rigensi publice renunciatus, & claves arcis & portæ civitatis recepit. Nobilitati vero & civibus omnia sua jura & privilegia restituta & confirmata sunt, prout in literis apud D. Davidem Chytraum videre licet. Dividitur autem Livonia in tres partes locis & linguis distinctas, videlicet in *Estiam*, *Letteam* & *Curlandiam*. *Estorum* provinciæ sunt *Harria*, cujus Metropolis est *Revalia* Aquilonem versus ad Mare Balthicum sita, nihilo Riga inferior a Voldemaro condita & portu celebris. Cives jus habent Lubecense, monetamque cudunt quadrangularem. *Viria* in qua *Weisenburg*, *Tollberg*, *Borcholm*, Episcopi Revaliensis sedes; *Allamania*, ubi *Nerva* ad fluvium ejusdem nominis, habetque ex adverso arcem Moscorum *Ivanow Gorod*. Fluvius hic Livoniam a Moschorum ditione dirimit & *Nyschlot*, *Odenpoa*, in qua *Derpt* sive *Topatum* urbs Episcopalis & mediterranea. *Wernebec*, *Helmede*, & *Ringen*. *fervia* ubi *Wittenstein*, *Lais*, *Overpolen*, *Vellin*. *Wichia*, ubi *Abseel*, *Leal*, *Lode* & *Parnovia*. *Estis* adjacent Insulæ *Osilia*, *Dageden*, *Mona*, *Wormse*, *Wrangen*, & *Kien* & aliæ plures, in quibus partim *Estica*, partim *Suevica* lingua utuntur. *Lettorum* urbes sunt, *Riga*, *Kokenhusen*, *Wenden*, *Wolmar*, & tota Diocesis Rigensis. *Riga* Primaria totius Livoniæ civitas est ad Duinam, quæ se in Sinum Venedicum exonerat. Colonia hæc Bremensium est, muro fortissimo, propugnaculis, turribus, & bellicis tormentis contra omnem vim instructa, fossis insuper duplicibus & acutis stipitibus munita. Arcem habet instructissimam, in qua olim Magistri Livoniæ (Ordinis fratrum Teutonicorum) sedem habuerunt: eam ante paucos annos Gothardus Ketlerus de quo supra, Regis Poloniæ feudalisi nomine regio administravit; sed in Civitatem ipsam nihil usurpavit juris. Administratorem enim sive Capitaneum aliquem cives libertatis adsertores frenui non patiuntur, tributa solum Regi Poloniæ & obedientiam fideliter præstant, in cæteris jus municipale habentes. Præterea forum hic est omnium fere mercium Septentrionalium, *Picis*, *Lini*, *Ceræ*, *Canabis*, *Lignorum*, aliarumque rerum istiusmodi. *Curlandia* Opida & Arces sunt, *Goldingen*, *Canda*, *Winda*, quæ Polonis dicitur *Kies*, nobis *Wenden*, celebris jam olim ob aulam Magistri Ordinis Teutonici, in qua etiam Comiticia celebrari solita: nunc Polonicis prædiis obseffa est. *Durbin*, *Srunda*, *Grubin*, *Pilten*, *Amboten* & *Hasenpot*. *Semigallia*, *Mitovia*, sedes aulæ Ducum Curlandiæ, *Seleborch*, *Bassenburg*, *Doblin* & *Dalem* urbes sunt. *Semigalliam* vero & *Curlandiam* a *Lettorum* populis & reliqua Livonia, fluvius *Duna* differtinat. In Livonia permulti sunt Lacus, insignior est *Beibus*, qui in longitudinem ad 45 milliaria Italica porrigitur, atque vario Piscium genere abundat. Fluvii sunt *Dwina*, *Winda* & *Beca* ac nonnulli alii. *Duna* sive *Duma* Ptolemæi, *Rubo* Peucero, ex Russia longissimo tractu per Lithuaniam & Livoniam manans duobus infra Rigam milliariibus in Sinum Livonicum & Balthicum Mare tandem infunditur. *Winda* in Balthicum itidem Mare exoneratur, non longè à cujus ostio maxima est Maris profunditas, ac locus periculosissimus. *Beca*, incolis *Embeck*, uno fertur alveo in Oceanum; qui cum de præruptis scopulis præcipiti lapsu ruat, idem vicinioribus accidit, quod usu venire habitantibus ad Nili Cataractas accepimus (inquit Leunclavius) uti nimirum paullatim surdescant. Regio sine montibus, nemorosa, ac Silvæ in immensum densa. Atque hic Hercyniæ